

("Službene novine Kantona Sarajevo", broj 49/17 - Prečišćeni tekst i 6/20), Općinsko vijeće Stari Grad Sarajevo, na vanrednoj sjednici održanoj 19.03.2021. godine, je donijelo

ZAKLJUČAK O NAČINU ODRŽAVANJA SJEDNICA OPĆINSKOG VIJEĆA ELEKTRONSKIM PUTEM

I

Općinsko vijeće Općine Stari Grad Sarajevo će u narednom periodu prateći epidemiološku situaciju i preporuke nadležnih organa, sjednice Općinskog vijeća održavati elektronskim putem.

II

Sjednice Općinskog vijeća mogu se održavati elektronskim putem kao online sjednice koje se održavaju uz pomoć internet servisa koji podržavaju direktnu audio i video komunikaciju ili elektronskom poštom.

III

Sjednice Općinskog vijeća se mogu održavati elektronskim putem za vrijeme proglašenja stanja prirodne ili druge nesreće, za vrijeme proglašenja stanja epidemije ili u drugim okolnostima kada za to postoje opravdani razlozi.

IV

Predsjedavajući Općinskog vijeća može odlučiti da sjednicu Općinskog vijeća zakaže i održi elektronskim putem ili putem elektronske pošte, a u skladu sa Poslovníkom Općinskog vijeća.

V

Sjednice Općinskog vijeća će biti zakazivane putem e-maila, sa pozivom koji sadrži tačan termin održavanja sjednice, predloženim dnevnim redom i prijedlozima akata o kojima se izjašnjavaju općinski vijećnici.

VI

- (1) Općinski vijećnik je dužan da poduzme sve neophodne mjere kako bi pristupio elektronskoj sjednici, što podrazumijeva blagovremeno testiranje pristupa.
- (2) Ukoliko nije u mogućnosti da pristupi elektronskoj sjednici, općinski vijećnik je dužan da o tome blagovremeno obavijesti predsjedavajućeg Općinskog vijeća.
- (3) Prilikom otvaranja elektronske sjednice, predsjedavajući općinskog vijeća pojedinačnim prozivanjem utvrđuje da li su općinski vijećnici pristupili sistemu za održavanje elektronske sjednice. Ukoliko ocijeni da je potrebno, predsjedavajući Općinskog vijeća u toku sjednice ponavlja pojedinačno prozivanje općinskih vijećnika radi provjere kvoruma.

VII

Ukoliko u toku održavanja elektronske sjednice dođe do nepredviđenog prekida pojedinačne ili skupne elektronske komunikacije, predsjednik Općinskog vijeća može odrediti pauzu radi njenog ponovnog uspostavljanja. O vremenu i načinu održavanja nastavka elektronske sjednice Općinski vijećnici se obavještavaju putem elektronske pošte ili telefonskim putem najkasnije 15 (petnaest) minuta po okončanju pauze.

VIII

- (1) Glasanje, po svakoj tački dnevnog reda, će se vršiti u skladu sa članom 73. stav (4), (5), (6) i (7) Poslovníka Općinskog vijeća, poimeničnim glasanjem svakog vijećnika.
- (2) Ukoliko ocijeni da je potrebno, zbog nepredviđenog prekida pojedinačne ili skupne elektronske komunikacije, predsjednik Općinskog vijeća može pozvati Općinske vijećnike da glasanju pristupe i slanjem elektronske

poruke u utvrđenom roku u toku trajanja glasanja po tački dnevnog reda.

- (3) Ukoliko se glasanje obavlja slanjem elektronske poruke, nakon proteka roka iz stava (2) ovog člana, predsjednik Općinskog vijeća saopštava rezultate obavljenog glasanja.
- (4) Nakon okončanja glasanja, vijećnicima će biti dostavljena povratna informacija sa rezultatima zbirnog glasanja o predloženom aktu, imenima Općinskih vijećnika i načinom njihovog izjašnjavanja.

IX

U toku trajanja elektronske sjednice Općinskog vijeća, vijećnici su dužni pridržavati se odredbi propisanih Kodeksom etičkih principa za izabrane zvaničnike u Općini Stari Grad Sarajevo ("Službene novine Kantona Sarajevo", broj 41/17 i 20/18), kao i svih ostalih propisa koji se odnose na ponašanje vijećnika na sjednicama Općinskog vijeća.

X

Cjelokupan postupak, od dostave materijala, evidencije glasanja kao i tehničku podršku vijećnicima, će voditi i pružati Stručna služba Općinskog vijeća uz podršku Službe za odnose s javnošću i informacioni sistem.

XI

Dokumentacija o provedenom postupku sjednice održane elektronskim putem, sa usvojenim Zapisnikom, će biti isprintana i arhivirana sa rokom trajnog čuvanja u arhivi Općine Stari Grad Sarajevo.

XII

Sjednice koje su zakazane, a nisu održane do dana usvajanja ovog zaključka, . mogu se održati elektronskim putem.

XIII

Ovaj zaključak stupa na snagu danom donošenja, a naknadno će biti objavljen na oglasnoj ploči Općine kao i u "Službenim novinama Kantona Sarajevo".

Broj 02-45-151/21
Marta 2021. godine
Sarajevo

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.

U skladu sa članom 89. i 93. stav 2. Poslovníka Općinskog vijeća Stari Grad Sarajevo - ("Službene novine Kantona Sarajevo", broj 49/17 - Prečišćeni tekst i 6/20), na 3. redovnoj sjednici Općinskog vijeća Stari Grad Sarajevo, održanoj 25.03.2021. godine, nakon razmatranja tačke dnevnog reda **Prijedlog Programa razvoja zaštite i spašavanja ljudi i materijalnih dobara od prirodnih i drugih nesreća Općine Stari Grad Sarajevo**, čiji predlagatelj je Općinski načelnik, a stručnu obradu izvršila Služba civilne zaštite, usvojen je sljedeći

ZAKLJUČAK

1. Usvaja se:

Prijedlog Programa razvoja zaštite i spašavanja ljudi i materijalnih dobara od prirodnih i drugih nesreća Općine Stari Grad Sarajevo.

Broj 02-45-177/21
Marta 2021. godine
Sarajevo

Predsjedavajući
Općinskog vijeća
Stari Grad Sarajevo
Dr. sc. **Mirza Batalović**, s. r.